

պատը. կը վախճանի 1912ին, Երուսաղէմի մէջ յիշատակ կը թողու մթերանոց մը ի նպաստ Ս. Յակոբի:

ԳՐԻԳՈՐ ԱՐԾԿԵՅԻ, (Վանայ ծովակին հիւսիսային կողմը), Գրձ. — Ս. Յակոբի վանքին Ս. Հրեշտակապետ և Ս. Աստուածածին եկեղեցիներուն մէջ, ՊՂ. (= 1441) թուին, կ'ընդօրինակէ Աւետարան մը. Գրիգոր կթղ. Մուսարէկեանցի, և Եգիպտոսի սուլթան Չազմազի օրով. (※ 13 փետր. 1453). (ROC. 1922-23 էջ 190):

ԳՐԻԳՈՐ (ՄՀՏ. ՍԱՐԱՅ) ԲԻՆԿԵԱՆՅԻ ԵՒ ՈՐԴԻԲ (ԱԿՆ). — Ս. Յակոբի վանքին Ս. Թէոդորոս եկեղեցիի զբան վրայ ունին յիշատակարան մը. «Յիշատակ է Բինկեանցի Սարաֆ Մահտեսի Գրիգորի որդւոց Սարաֆ մահտեսի Աղեքսանդրի, մահտեսի Յովհաննէսին, մահտեսի Գասպարին, ի վանքն Ս. Յակոբայ, ի դուռն Սրբոյն Թէոդորոսի եկեղեցւոյն ՌՄԻԸ». (= 1779). նոյն թուականով և նոյն անուններով կայ նաև ուրիշ յիշատակարան մը նոյն եկեղեցիին մէկ ուրիշ կողմը: Մհա. Գրիգոր՝ իբր յիշատակ գնած է Ասորոց եկեղեցիին մօտ տուն մը, յորդորմամբ Շղթա՝ յակրին (ՄՁ. թ. 532):

ԳՐԻԳՈՐ ԳՐԻՉ. — Հայրը Աւետիք, 1620ին գրուած յիշատակարան մը ունի սա ծանօթութիւնը. «որ ետ գրել գայս զիրքս, Մեկնորիսն Յորայ յիշատակ ի Ս. Երուսաղէմ»:

ԳՐԻԳՈՐ ԳՊԻՐ. — 1857ին յօրինած է Բանֆ Սակարախանկայ ի վերայ խնւրհուրեան անուն աշխատասիրութիւնը:

ԳՐԻԳՈՐ ԵՊՍ. ԱՂԹԱՄԱՐՅԻ. — 1813ին ուխտաւորութեամբ կ'այցելէ Ս. Յակոբի վանքը (Կոնրակ ՊԵ. Վանցի Թէոդորոսի):

ԳՐԻԳՈՐ ԵՊՍ. — Մբ. 1685ին:

ԳՐԻԳՈՐ ԵՊՍ. ԱՐԱՊԿԻՐՅԻ. — Ուխտաւորութեամբ կ'այցելէ Ս. Յակոբի վանքը: (Սիօն 1866. էջ 102):

ԳՐԻԳՈՐ ԵՊՍ. ԳԱՌՆԱԿԵՐԵԱՆ, ՎԱՂԱՐՇԱՊԱՏՅԻ. — Մբ. Ս. Էջմիածնի. Մ. 1836ին. կը ձեռնադրուի եպօ. 1890ին. 1906ին ուխտաւորութեամբ կ'այցելէ Ս. Յակոբի վանքը, նոյն տարին կ'երթայ նաև Եգիպտոս և Հոովմ: Վարած է առաջնորդական և վանական պաշտօններ էջմիածին և այլուր. կը վախճանի 1910ին: